

讀幼稚園个厝(上) 江秀鳳(四縣腔)

讀幼稚園个時節，發生盡多事情，頭一擺係在屋下附近，一間正常个幼稚園，阿姆日日愛上班進前，先渡厝去幼稚園摺厝交分先生，怕係厝還忒細毋慣恁多人共下，驚生驚生，逐擺就捕等阿姆个大腳髀毋肯放，盡命拈放勢大嗽，先生來捕，園長來牽，還係毋肯入去，後生个阿姆日日就當毋盼得，目汁濫汨離開幼稚園，去赴厝早枋車，還愛盤車去上班。

阿姊讀小學下課會來吾幼稚園寫作業，有一日下課个時節，放學時牽等厝共下轉屋，厝兩姐妹个性體同阿姆共樣，盡好"拈揚尾打草蟻"，在路項看著麼該新奇个東西，就會行過去看鬧熱，該日在市場過，早市賣一晝邊，厝兜下課係臨暗邊仔，兩姐妹行到雞籠仔頭前，雞仔髻紅紅，雞毛紅羅花色，有紅、有烏、有柑仔色、咖啡色，試著又靚又得人惜，兩姐妹四粒目珠看到換換轉，玄玄風有一隻雞仔對等厝啄一下，啄著吾鼻公摺目珠適中央个所在，鼻旺仔一下就流到歸身仔，厝分雞仔个攻擊嚇到嗽到倏皇殺天，吾姐嚇到面呷青，驚到會死，市場肚又無半儕人，兩儕牽等一路轉，行到米粉伯姆个攤仔過，分佢看著，正遽遽拿面帕摺厝揸，面項个血揸忒了，衫項个就無法度揸淨，等吾姆下班到屋，已經暗晡頭7點零仔，知厝著傷盡毋盼得，捕等厝緊嗽，對該央時起勢就輒輒流鼻旺仔，一流就係歸管仔，有一擺流忒多，阿姆就拿食飯个碗來裝，還裝到湊出來，渡去分先生看也無效，到轉骨過正無三不二時流鼻旺仔。對該擺過，看著雞仔就驚，閃到遠遠。

正讀幼稚園又分雞仔啄著，盡毋想去讀書，爺哀愛上班賺錢，高不將還係愛送厝去幼稚園，旦旦就毋肯睡當晝，灶下煮飯个阿姨就偷偷仔帶厝出去寮，買糖仔、餅仔拐厝，盡記得有一日，佢帶厝去一台「扭卵機」頭前，喊厝攞機器頂个開關，攞一擺就會跌下烏色个巧克力，緊攞就緊跌，矮矮个細人仔全毋知阿姨在頂高煞猛擲錢，厝還搞到當暢，該擺抔(bud\)盡多巧克力轉去，轉到幼稚園大家也睡醒仔，厝就摺巧克力分歸班同學食，大家都歡喜壠天，阿姨在教室外背笑眯眯仔緊領頭，想著灶下阿姨逐當晝同厝做伴，恁會相惜，還承蒙喔！

2018.5.3 在台中 55 號公車頂